

# BELLVM SPARTACIVM



EX FLORI  
'EPITOME RERVM ROMANARVM'  
ET PLVTARCHI  
'VITIS PARALLELIS'



*Iōannēs Paulus Ferdinandī Flūminis sive Murgēnsis  
modō Iōhannis Oerbergis composuit  
additāmentum capitulī LIII methodī LLPSI*

Hoc opus consignatum est sub Creative Commons diplomate



## DE BELLIS SERVILIBVS

[*Ex Flōrī 'Epitomē Rērum Rōmānārum' II, cap. VII*]

epitomē -ēs *f* = breviārium

- Primum servile bellum inter initia urbis, Herdoniō  
duce Sabīnō, in ipsā urbe temptātum est, cum occupātā  
5 tribūnīciīs sēditiōnibus cīvitāte Capitōlium obsessum  
est et ā cōsule receptum; sed hic tumultus magis fuit  
quam bellum. Mox imperiō per dīversa terrārum occu-  
pātō, quī crēderet Siciliam multō cruentius servīlī quam  
Pūnicō bellō esse vāstātam?
- 10 Terra frūgum ferāx et quōdam modō suburbāna prō-  
vincia lātifundiīs cīvium Rōmānōrum tenēbātur. Hic ad  
cultum agrī frequentia ergastula catēnāfīque cultōrēs  
māteriam bellō praebuēre. Sŷrium quīdam nōmine Eu-  
nus — magnitūdō clādium facit ut meminerimus — fā-  
15 nātīcō furōre simulātō dum Sŷriae deae comās iactat,  
ad lībertātem et arma servōs quasi nūminum imperiō  
concitāvit; inde ut dīvīnitus fierī probāret, in ōre abditā  
nuce quam sulphure et igne stīpāverat, lēniter īnspīrāns  
flammam inter verba fundēbat. Hoc mīrāculum prīmō  
20 duo mīlia ex obviīs, mox iūre bellī refrāctīs ergastulīs  
sexāgintā amplius mīlium fēcit exercitum; rēgiīsque, nē  
quid malīs deesset, decorātus īnsignibus castella, vīcōs,  
oppida miserābilī dīreptiōne vāstāvit. Quīn illud quo-  
que ultimum dēdecus bellī, capta sunt castra praetōrum  
25 — nec nōmināre ipsōs pudet: castra Manliī, Lentulī, Pī-  
sōnis, Hypsaeī. Itaque quī per fugitīvāriōs abstrahī de-
- annō 460 a.C.
- tribūnīcius -a -um < tribūnus
- ā *P. Valeriō Publicolā* cōsule  
(inter pugnam interfectō)  
occupātō: possessō
- ferāx -ācis (+*gen*) = ūber  
lātīfundium -ī *n* = lātus *fūndus*  
(= praedium)  
ergastulum -ī *n* = carcer rūsticus  
catēnāre = catēnīs vincīre  
cultor -ōris *m* = quī agrum colit  
annō 132 a.C.
- fānātīcus -a -um = īnsānus, fu-  
rōre dīvīnō correptus  
Sŷriae deae: prō Sŷriā deā (Der-  
cetī)
- sulphur -uris *n* = terrae genus fa-  
cile ignem concipiēns  
stīpāre = implēre | īn-spīrāre
- re-fringere -frēgisse -frāctum =  
effringere  
rēgiīs īnsignibus decorātus
- dīreptiō -ōnis *f* < dīripere  
quīn = immō, quod plūs est
- fugitīvārius -ī *m* = homō quī  
servōs fugitīvōs reducit

buissent, praetōriōs ducēs profugōs proeliō ipsī sequēbantur.

Perperna -ae *m*  
supplicium sūmere de aliquō:  
aliquem supplicium dare  
Henna -ae *f*, urbs Siciliae

compēs -pedis *f* = vincula quibus servōrum pedēs vincuntur  
ovātiō -ōnis *f* (< ovāre) = minōris triumphī genus

annō 104 a.C.  
re-spirāre | ĩnsula: Sicilia  
Cilicēs -um *f* = Cilicia  
Athēniō -ōnis *m*  
sub signīs: in aciē

purpureus -a -um < purpura

redimīre = *corōnāre* (< corōna)  
ille fānāticus: Eunus  
cōn-flāre = compōnere, efficere

saevīre < saevus

ūsus = *experientia* (< experīri)

ad extrēma: ad mortem  
com-minuere = minuere

exigere = exposcere  
quam-vīs (+*con*) = quamquam

rīxārī < rīxa

Tandem Perpernā imperātōre supplicium dē eīs sūptum est. Hic enim victōs et apud Hennam novissimē ob- 30  
sessōs, cum fame, ex quā pestilentiā, cōnsūmpsisset, rē-  
liquiās latrōnum compedibus, catēnīs crucibusque pūnī-  
vit; fuitque dē servīs ovātiōne contentus,  
nē dignitātem triumphī servīlī ĩnscrīp-  
tiōne violāret.

compēs —  35

Vixdum respirāverat ĩnsula, cum statim Servīliō prae-  
tōre ā Syrō redītur ad Cilicem. Athēniō pāstor, interfectō  
dominō, familiam ergastulō līberātam sub signīs ōrdinat.  
Ipse veste purpureā argenteōque baculō et rēgium in  
mōrem fronte redimītā nōn minōrem quam ille fānāticus 40  
prior cōnflāvit exercitum, ācriusque multō, quasi et il-  
lum vindicāret, vīcōs, oppida, castella dīrīpiēns, in ser-  
vōs ĩnfēstius quam in dominōs quasi in trānsfugās sae-  
viēbat. Ab hōc quoque praetōriī exercitūs fūsī, capta  
Servīlī castra, capta Lūcullī. Sed Titus Aquilius Perper- 45  
nae ūsūs exemplō, interclūsum hostem commeātibus  
ad extrēma compulit, comminūtāsque cōpiās fame armīs  
facile dēlēvit: dēdidissent sē, nisi suppliciōrum metū  
voluntāriam mortem praetulissent. Ac nē dē duce qui-  
dem supplicium exigī potuit, quamvīs vīvus in manūs 50  
vēnerit, quippe dum circā adprehendendum eum mul-  
titūdō contendit, inter rīxantium manūs praeda lacerāta  
est.

## DE BELLO SPARTACIO

Spartacius -a -um < Spartacus

55 [Ex Flōrī 'Epitomē Rērum Rōmānārum' II, cap. VIII]

Bellum Spartacō duce concitātum quō nōmine appellem nesciō, quippe cum servī militāverint, gladiātōrēs imperāverint, illī infimae sortis hominēs, hī pessumae, auxere lūdibriīs calamitātem. Spartacus, Crixus, Oenomaus effrāctō Lentulī lūdō cum trīgintā aut amplius eiusdem fortunae virīs erūpēre Capuā; servisque ad vexillum vocātīs, cum statim decem mīlia amplius coissent hominum, nōn modō effūgisse contentī, iam et vindicārī volēbant.

annō 73 a.C.

pessimae (sortis)

ex lūdibriīs in calamitātem

coissent: coissent

65 Prīma sēdēs velut āra virīs mōns Vesuvius placuit. Ibi cum obsidērentur a Clōdiō Glabrō, per faucēs cavī montis vītineīs delāpsī vinculis, ad imās eius descendere rādīcēs et, exitū inviō, nihil tāle opīnantis ducis impetū castra rapuerunt, inde alia: castra Varēniāna, castra deinceps Thorānī, tōtamque pervagārunť Campāniam. Nec villārum atque vicōrum vāstātiōne contentī, Nōlam atque Nūceriam, Thūriōs atque Metapontum terribilī strāge populantur.

āra = asyllum

vītineus -a -um = ex vīte factus  
opīnārī = arbitrārī, putāre  
: impetū castra ducis nihil tāle  
opīnantis (: quī tāle fierī nōn  
posse opīnābātur) rapuerunt

per-vagārī = invādere

vāstātiō -ōnis f < vāstāre

Affluentibus in diem cōpiīs, cum iam esset iustus exercitus, ē vīminibus pecudumque tegumentīs conditōs sibi clipeōs et ferrō ergastulōrum recoctō gladiōs ac tēla fēcērunť. Ac nē quod decus iustō deesset exercitui, domitīs obvīs etiam gregibus parātur equitātus, captaque de praetōribus insignia et fascēs ad ducem dētulēre.

vīmen -inis n = multitudō virgārum  
mollium colligātārum  
tegmentum -ī n = id quod tegit  
re-coquere -xisse -ctum

80 Nec abnuit ille dē stipendiārīō Thrāce mīles, dē milite

ab-nuere = recūsāre  
stipendiārīus -a -um = quī stipendium solvit  
Thrāx -ācis adi < Thrācia (prōvincia stipendiāria)

dēsertor -ōris *m* = mīles quī e-  
xercitum dēsereuit  
: fūnera ducum quī in proeliō  
dēfūctī sunt  
imperātōrius -a -um < imperā-  
tor  
dē-pugnāre = pugnāre (inter du-  
ōs)  
expiāre = lūstrāre  
mūnerātor -ōris *m* = quī mūnus  
(= lūdum) gladiātōrium edit

turpitūdō -inis *f* < turpis

myrmillō -ōnis *m* = gladiātor  
(: Spartacus)  
*Rōmānī* cōnsurgunt  
*Marcus* Licinius Crassus

angulum: sinum  
clūsī: clausī  
nāvīgium -ī *n* = nāvis  
sup-petere = sufficere  
cō-nectere -xuisse -xum = inter  
sēnectere, coniungere  
virgula -ae *f* = parva virga  
experīrentur: ascendere temptā-  
rent  
missiō -ōnis *f* = licentia vivendī  
gladiātōrī sauciō data a populō;  
sine missiōne = ad certam mor-  
tem, sine spē



dōlium -ī

parallēlus -a -um = invicem com-  
parātus; Plutarchus 'Vītās Para-  
llēlās' librō suō titulum dedit,  
cum vītās bīnōrum īnsignium  
virōrum comparāret: ūnūs  
Graecī cum alterō Rōmānō  
vāstitās -ātis *f* = vāstitiō

dēsertor, inde latrō, deinde in honōre vīrium gladiātor.  
Quī dēfūctōrum quoque proeliō ducum fūnera impe-  
rātōriīs celebrāvit exsequiīs, captīvōsque circā rogum  
iussit armīs dēpugnāre, quasi plānē expiātūrus omne  
praeteritum dedecus, sī dē gladiātōre mūnerātor tum 85  
fuisset. Inde iam cōsulārēs quoque aggressus in Ap-  
pennīnō Lentulī exercitum cecidit: apud Mutinam Gāiī  
Cassiī castra dēlēvit. Quibus ēlātus victōriīs dē invāden-  
dā urbe Rōmānā — quod satis est turpitūdīnī nostrae —  
dēlīberāvit. 90

Tandem enim tōtīs imperiī vīribus contrā myrmillō-  
nem cōnsurgunt pudōremque Rōmānum Licinius Cras-  
sus asseruit, ā quō pulsī fugātīque — pudet dīcere hos-  
tēs — in extrēma Italiae refūgērunt. Ibi circā Bruttium  
angulum clūsī, cum fugam in Siciliam parārent neque 95  
nāvīgia suppetere, ratēsque ex trabibus et dōlia cōnexa  
virgulīs in rapidissimō fretō frūstrā experīrentur, tandem  
ēruptiōne factā dignam virīs obiēre mortem et, quod sub  
gladiātōre duce oportuit, sine missiōne pugnātum est.  
Spartacus ipse in pīmō agmine fortissimē dīmīcāns, 100  
quasi imperātor, occīsus est.

## SPARTACVS ET CRASSVS

[*Trānslātum ex Plutarchī librī 'Vītārum Parallēlārum'*  
*capitulō dē vitā Marcī Crassī*]

At gladiātōrum mōtus et vāstitās Italiae quae inde 105  
secūta est, quam multī bellum Spartacium nōinant, ex


huiuscemodi est causa orta. Lentulus quīdam Batiātus  
 Capuae gladiatōrum familiam alēbat; hī magna ex parte  
 Gallī erant et Thrācēs, quī nūllum ob scelus, sed iniuriā  
 110 rīis dēpugnārent. Eōrum ducentī dē fugā cōnsilium iniē-  
 re. Quō dētēctō septuāgintā octō quī id rescīverant prae-  
 vērunt atque ex popīnā quādam cultrīs coquīnariīs  
 verubusque correptis ērūpērunt ex oppidō. Offendērunt  
 in itinere plaustra quae arma gladiatōria ad aliud oppi-

115 dum portābant. Haec rapuērunt armāvēruntque sē. Occupātō autem firmō praesidiō,  
 ducēs trēs legēre quōrum fuit Spartacus p̄rimus, ex Thrāciā ortus dē genere  
 eōrum quī incertīs habitātiōnibus vagandō


120 Nomadum nōmen meruēre. Fuit hic nōn solum animō et vīribus ingēns, sed et suprā condiōnem  
 suam prūdēns modestusque, magis et ad Graecōs mōrēs  
 compositus quam prō nātiōne suā. Eius āiunt, cum p̄ri-  
 mum Rōmam vērālis ductus est, dracōnem dormientis  
 125 circumiectum faciem vīsum. Uxor autem populāris Spar-  
 tacī, fātīdica et nūmine afflāta Liberī patris, annuntiāvīt

130 eā rē ingentem potentiam horrendamque, quae dēsītūra  
 in laetum exitum esset, portendī. Haec tunc quoque cum  
 eō erat et comitābātur fugientem.

huius(ce)modi *adv* = s̄c



re-sciscere -ivisse -itum = cognoscere, intellegere  
 prae-venire  
 popīna -ae *f* = locus ubi cibum et p̄tioniēs p̄blicē vēnduntur  
 coquīnarius -a -um < *coquīna* -ae *f* = locus in quō coquitur  
 of-fendere -disse -ēsum = (in-exspectātum) invenire



pl  
 plaustrum -ī *n*

habitātiō -ōnis *f* = locus ubi quis habitat  
 Nomadēs -um *m*  
 condiō = status (servī)

dracō -ōnis *m* = serpēs circum-icere; faciem eius dormientis dracōnem circumiectum *esse* visum *est*.  
 populāris -e = grātus populō  
 fātīdicus -a -um (< fātum) = quī futūra praedicit  
 af-flāre = īnspirāre (animōs)  
 an-nuntiāre = nuntiāre  
 dēsītūrus *part fut* < dēsinerē



dracō -ōnis *m*



Liber, deus vīnī (= Bacchus)

barbaricus -a -um < barbarus

habēbat ascēsum ... rūpēs  
ascēsus -ūs *m* < ascendere  
ob-sēpīre -psisse -ptum = clūdere  
ab-ruptus -a -um = praeceps  
crepīdō -inis *f* = saxum prōmi-  
nēns | lābrusca -ae *f* = vītis  
superficiēs -ēī *f* = sōlum  
vestīre = operīre  
palmes -itis *m* = vītis rāmus  
com-PLICARE = cōficere (colli-  
gandō)  
supernē *adv* = dē parte superioriē  
plānitiēs -ēī *f* = locus plānus

ea: arma

bubulcus -ī *m* = quī bovēs cūrat  
et agit, arātor  
pernīx -īcis = vēlōx et fortis  
ag-gregāre = gregī adiungere  
antecursor -ōris *m* = mīles quī  
exercitum praecēdit

cōnsiliārius -ī *m* = homō quī duc-  
cī cōnsilium dat

Salīnae -ārum *f*, forum

impedimentum = sarcina exer-  
citūs

īn-sistere -stitisse = pergere

Fugāvērunt primum eōs quī ex Capuā ipsōs persecuē-  
bantur. Ibi armīs multīs bellicīs potītī, laetī sūmpsērunt 135  
haec, ac gladiatōria, ut foeda et barbarica, abiēcēre. Inde  
Clōdius praetor contrā hōs ex urbe cum tribus mīlibus  
mīlitum missus est. Obsidente illō servōs in monte, quī  
ūnum habēbat asperumque et angustum ascēsum, quem  
obsēpserat statiōne, cēterīs partibus abruptās rūpēs atque  
crepīdinēs, frequentī autem lābruscā erat in superficiē 140  
vestītus; ex eā palmitēs quī esse ūsui possent secuērunt,  
scālāsque complicāvērunt validās et longās, ut supernē  
ex rūpe suspēnsae pertinērent ad plānitium. Hīs sine pe-  
riculō descendērunt praeter ūnum quī armōrum dēicien-  
dōrum causā remānsit. Ubi descendērunt, dēmisit ea,  
inde omnium postrēmus ēvāsit ipse quoque. Haec latu- 145  
ērunt Rōmānōs, quārē adortī eōs sunt ac repentinō ad-  
ventū perculēre, pulsīsque hīs castra cēpēre. Frequentēs  
ibi eius regiōnis bubulcī pāstōrēsque, strēnuī vīrī et per-  
nīcēs, aggregāvērunt sē ad illōs, quōrum partim armā-  
vērunt, partim prō antecursōribus et levī armātūrā sunt 150  
ūsī. Alter inde adversus eōs dux mittitur P. Varīnus,  
cuius prīmō lēgātum Fūrium cum duōbus mīlibus mīli-  
tum congressum signīs collātīs prōflīgāvērunt. Hinc  
cōnsiliārium eius et collēgam Cossinium cum validā  
manū missum nihil propius factum est quam ut lavantem 155  
ad Salīnās Spartacus circumvenerit et oppresserit. Quem,  
cum aegrē et difficulter aufūgisset, extemplō exuit impe-  
dīmentīs, ac vestīgīīs īnstitit magnā caede sequī cas-  
traque eius expugnāvit. Cecidit etiam Cossinius. Ipsum

- 160 etiam praetorem crebris aliis proeliis fudit. Cēpit denique lictōrēs eius et equum. Unde ingēns iam et formidabilis erat. Vērumtamen instituit cōsiliū suū sapienter. Cum enim opēs Rōmānās opprimere diffīderet sē posse, mōvit cum exercitū versus Alpēs, cēnsuitque iīs
- 165 superātis domum cuique abeundum, aliis in Thrāciam, aliis in Galliam. At illi numerō subnīxi et elāti animis nōn auscultābant eī, sed in Italiam populābundī percursābant. Igitur nōn amplius indignitās et turpitūdō rebellīōnis sollicitāvit senātum, vērum ob metum et periculum
- 170 quasi ad ūnum ex gravissimis et māximis bellis ambōs cōsulēs mīsī; quōrum Gellius cohortēs Germānicās contēptū et arrogantīā dīvulsās ā Spartaciis repentinō adventū omnēs oppressit. Lentulus magnis cōpiis circumvallāvit Spartacum, quī huius lēgātōs adortus pugna commissā fudit atque omnibus exiit impedimentis. Contendentī ad Alpēs Galliae circumpadānae occurrit praetor Cassius decem milibus militum, atque acie fūsus multos milites amisit, ipse aegrē fugā quaesivit salutem.
- Hīs nūntiātis senātus infēnsus iussit cōsulibus nihil prō imperiō agere, et bellum Crassō mandāvit. Eum
- 180 multī ex nobilitate auctoritatis eius et amicitiae causā secūtī sunt. Hic prō agrō Pīcēnō cōnsēdit tendentem illū Spartacum exceptūrus. Lēgātum Mommiū cum duābus legiōnibus circummīsī imperāns ut hostēs sequeretur, signa nōn cōferret neque lacesseret eōs. Ille
- 185 vērō, ut primum oblata spēs est, manum cōnseruit et fūsus est. Multī cecidēre, multī abiectis armis fuga salutem
- formidabilis -e < formidō  
vērum-tamen = quā etiam  
cum diffīderet sē opprimere posse  
versus +acc = ad  
abeundum esse  
sub-nīxus -a -um = frētus  
auscultāre = obsequi, parere  
populābundus -a -um = quī populātur  
per-cursāre = percurrere iterum iterumque  
rebelliō -ōnis f < rebellāre  
quōrum cōsulēs  
contēptus -ūs m < contemnere  
arrogantia -ae f = superbia eius  
cui bona nōn sunt  
dī-vellere -isse -vulsum = seiungere  
circum-padanus -a -um = circum flūmen Padum  
cum decem milibus militum  
exceptūrus part fut < excipere :  
ad excipiendum  
circum-mittere  
lacessere = ad pugnam prōvocāre

spōnsor -ōris *m* = quī spondet

decuria -ae *f* = numerus decem  
mīlitum  
forte: sorte  
multāre = pūnīre  
decimātiō -ōnis *f*  
longō intervāllō: post longum  
intervāllum  
redūxit: restituit  
īnfāmia -ae *f* < īnfāmis  
īn-spectāre = attentē īnspicere

Cilicēs -um *adi* < Cilicia  
nancīscī nactum = invenīre (for-  
te)

nōn ita dūdum sōpītum: a. 103  
Athēniō pāstor bellum servīle  
secundō in Siciliam concitāvit  
fōmes -itis *f* = māteria *igneā* (= quae facile incendi potest), cal-  
cār | re-suscitāre  
im-pōnere = dēcipere  
Rēgīnī -ōrum *m*

sub-icere = praebēre

opīniō -ōnis *f* < opīnārī

cervīx -īcis *f* = *isthmus -ī m* (= terra angusta inter duo maria)

excitāre = ērigere  
fīrmitās -ātis *f* < fīrmus  
flocus -a -um = nullūus pretiī;  
flocī pendēre = parvī aestimare

petiēre. Crassus ipsum Mommium asperē increpuit, mī-  
litēs iterum armāns spōnsōrēs exēgit arma nōn āmissū-  
rōs. Quīngentōs prīmōs, ā quibus initium fugae ortum  
fuerat, in quīnquāgintā decuriās dīvīsīsit; ex hīs decimum 190  
quemque forte ductum morte multāvit. Quod vetus sup-  
pliciī genus decimātiōnem dictam longō intervāllō re-  
dūxit in exercitum. Huic enim generī poenae adiūncta  
īnfāmia est, īnspectantibusque omnibus horrendum et  
trīste spectāculum ēditur. Ita corrēctīs mīlitibus dūxit 195  
in hostem. At Spartacus cessit per Lūcāniam ad mare. In  
fretō nāvīgia praedātōria Cilicum nactus, animum adiē-  
cit ad temptandam Siciliam, ac duōbus mīlibus armātō-  
rum in eam īnsulam coniectīs bellum servīle illīc dēnuō  
concitāvit, quod nōn ita dūdum sōpītum facile potuit 200  
exiguō tantum fōmite resuscitārī. At Cilicēs īntō cum eō  
pactō mūneribusque acceptīs imposuērunt eī ac subdū-  
xērunt sē. Ita recēpit sē ā marī atque in Rēgīnōrum cōn-  
sēdit paenīnsulam. Ibi supervēnit Crassus, quī vidēns  
natūram locī subicientem quod faciendum esset, faucēs 205  
mūrō īnstitit saepīre, simul ut ōtium mīlitibus et hostibus  
commeātūs facultātem adimeret. Quod, etsī grande esset  
et labōriōsum opus, brevī spatiō tamen praeter omnium  
opīniōnem perfēcit et absolvit, fossamque ex marī in  
mare per cervīcem trīgīntā septem mīlia quīngentōs pas- 210  
sūs longam, lātā et altā quīndecim pedēs dūxit. Su-  
per fossam mūrū excitāvit mīrā altitūdine et fīrmitāte.  
Ea Spartacum prīmum flocī pendēbat et contemnēbat.  
Ubi vērō dēficiēte praedā, cum vellet prōgredī, advertit

215 sē interclūsum mūrō, neque ex paenīnsulā quicquam capere valuit. Noctem nive īnfēstam ac ventō procellōsam prō sē capiēns, exiguam partem fossae complēvit humō, māteriā et arborum rāmīs, ac tertiam partem exercitūs trādūxit.

interclūsum *esse*

procellōsus -a -um < procella

noctem capiēns: occāsiōnem noctis capiēns, nocte ūtēns

220 Hīc timuit Crassus nē impetū Spartacus Rōmam rape- ret; vērum cōnfirmātus est quod multī ex dissēnsiōne dēscīvissent ab illō et castra seorsum super stāgnō Lūcānō posuissent. Hoc certīs temporibus variārī ferunt ac modo dulce, modo salsum nec pōtābile fierī. Eōs

seorsum *adv* = *sēiūntim* (< sē- iungo)

hoc: stāgnum

variārī (< varius) = mūtāre

salsus -a -um = quī sāl habet

pōtābilis -e = quī pōtārī potest

: factum est nē ...

225 Crassus adortus reppulit ā stāgnō, sed nē dēlēre eōs vel cōnsectārī posset per supervenientem properē Sparta- cum et fugam sistentem factum est. Paenituit autem eum quod senātui scrīpsisset, Lūcillum ex Thrāciā et Pom- pēium ex Hispāniā ut excīrent, mātūrābatque ante illō-

cōn-sectārī = cōnsequī

sistere = cōstituere

230 rum adventum patrāre bellum; quod scīret fore ut eī quī sibi adiūctus esset et subvēnisset, nōn sibi attribuerētur decus. Certus igitur illōs quī dēfēcerant et seorsum po- suerunt castra, quōs C. Cannicius et Castus dūcēbant, aggredī, mittit sex mīlia mīlitum ad occupandum collem

at-tribuere = dare (culpaē/laudī)

certus (: dēcrētus) aggredī

dēfēcerant ā *Spartacō*

235 quendam. Hīs imperat ut quam possint occultissimē iter faciant. Quī studentēs hostem fallere galeās frondibus contexuēre; cōspectī autem ā duābus mulieribus, quae sacrificābant ante castra prō salūte hostium, in periculō fuissent nī celeriter interveniēns Crassus pugnam com-



cōn-texere -texuisse -textum =

simul *texere* (= filō nectere)

hostium: Spartaciōrum

240 mīsisset multō ācerrimam, in quā duodecim mīlibus tre- centīs caesīs sōlōs duōs invēnit quī āversa vulnera habē- rent, reliquī in aciē omnēs stantēs et dīmīcantēs cum

aversus -a -um (< avertere) = ā tergō

oc-cumbere -cubuisse -cubitum  
= occidere

Scrōfa -ae *m*

in-haerere = proximus esse  
carpere = rēcedentem hostem in-  
sequi ac dēbilitare

spīritus -ūs *m* = superbia; nimiōs  
spīritūs f. fugitīvīs: nimis super-  
bōs f. fugitīvōs  
fugitīvīs: Spartaciīs  
ultrā = amplius, plūs  
dē-trectāre = vītāre

*Crassus* dūcēbat (: faciēbat)

plūribus *Rōmānīs ad dēfenden-*  
*dum* affluentibus  
cernēns: vidēns, animadvertēns

explicāre=ōrdināre(extendendō)

admōtum equum cōnfōdit

cōn-fodere -fōdisse -fossū =  
trānsfīgere  
impressiō -ōnis *f*(< imprimere)  
= impetus quī premendō fit  
as-sequi = cōsequi

quam-vīs = etsī

Pompēiī victōriae glōria

Rōmānīs occubuēre. Spartacum, post hōrum clādem re-  
cipientem sē ad montēs Petēlīnōs, Quintus Crassī lēgā-  
tus et quaestor Scrōfa tergō inhaerentēs carpēbant. Vē- 245  
rum ubi ille agmen tandem convertit, foedē fūgērunt  
Rōmānī atque aegrē sauciō ēreptō quaestōre incolumēs  
ēvāsēre. Haec victōria, quod nimiōs spīritūs fēcisset fu-  
gitīvīs, perdidit Spartacum. Nōlēbant enim ultrā pugnam  
dētrectāre neque dūcibus dīctō erant audientēs, sed in 250  
itinere armīs cīnctōs coēgērunt retrō per Lūcāniam dū-  
cere in Rōmānōs, cupidī cum Crassō congregdī. Iam enim  
adesse nūntiābātur Pompēius. Frequentēs autem iam iac-  
tābant in cōntiōnibus ad illum pertinēre huius palmam  
bellī, quem, simul atque hostem vīdisset, pugnatūrum et 255  
dēbellatūrum. Mātūrāns igitur cum hostibus dīmīcāre ac  
castrīs hostium castra cōnferre, dūcēbat fossam ad quam  
ēruptiōne factā servī infestābant operī intentōs. Plūribus  
semper hinc inde affluentibus, cernēns Spartacus neces-  
sitātem omnēs cōpiās explicāvit. Prīmum strictō gladiō 260  
admōtum equum, fātus ‘victōrem multōs sē et eximiōs  
hostium equōs habitūrum, sīn victus esset nōn fore sibi  
eō opus’ cōnfōdit. Deinde impressiōne factā per tēla mul-  
ta et vulnera Crassum petēns illum nōn est assecūtus,  
vērum duōs centuriōnēs quī manūs cum eō cōnseruēre  
interēmit. Postrēmō effūsīs in fugam iīs quī circā eum 265  
erant, dum ipse locum tenet et hostium globō cingitur,  
pugnāns trucīdātur. Quamvīs autem Crassus fortunā  
ūsus est secundā bonīque imperātōris et mīlitis strēnuī  
mūnus praestitit, victōriae tamen nōn fuit Pompēiī glōria

270 exsors, sīquidem quī ex proeliō fūgērunt ab illō fuerunt  
oppressī. Unde senātui scrīpsit ‘fūsōs quidem ā Crassō  
signīs collātīs fugitīvōs, sē vērō rādīcēs bellī excīdisse.’  
Pompēius igitur dē Sertōriō et Hispānīs clārum trium-  
phum dūxit, Crassus triumphum nē ipse quidem susti-  
275 nuit petere, etiam ovantem ex bellō servīlī iniisse urbem  
abiectum vīsum et pūtīdum.

ex-sors -sortis = sine sorte  
illō: Pompēiō

rādīcēs: orīgō

sustinuit: ausus est

ab-iectus -a -um = vīlis  
vīsum *est*  
pūtīdus -a -um = quī malī odōris  
est (: foedus)



*Marcus Licinius Crassus*